

## **Suliniaqatigiiffik aallarterlaaq meeqqat angerlarsimaffiup avataanut inissinneqarsimasut pillugit suliniuteqarpoq**

*Meeqqat Ikiortigit – Red Barnet Kalaallit Nunaat nuna tamakkerlugu katersuiniarnissaani, 2015-imi oktobarip ulluisa 31-anni pisussami, meeqqat angerlarsimaffiup avataanut inissinneqarsimasut pitsaanerusumik atugassaqartinneqarnissaannut sulinermut atugassanik katersuiniassaaq.*

### **Nuna tamakkerlugu katersuiniarneq 2015**

Pisarneq malillugu ukiaanera tassaavoq meeqqanut suliniaqatigiiffiit ukiumoortumik nuna tamakkerlugu katersuiniartarfiat, Kalaallit Nunaanni meeqqanik inuusuttunillu sullissinermik qitiutitsiffiusoq.

Nuna tamakkerlugu katersuiniarnissaq ukioq manna oktobarip ulluisa 31-anni Nuummi GU-mi ingerlanneqassaaq, toqqaannartumillu nal. 20.00-imiit KNR-ikkut aallakaatinneqassalluni.

Piareersarnerit ingerlanneqaleruttorput, piunassutsiminnillu suleqataasut tapersersuisullu nuna tamakkerlugu katersuiniarnissap, Kalaallit Nunaanni meeqqanik aarlerinartorsiortunik sullissinitsinnik samminniffiusussap, piareersarnerani ulappupput. Sorpiaat sulissutiginerivut pillugit annertunerusumik Kalaallit Nunaat tamakkerlugu oqaluttuunnissaanut qilanaarpugut.

### **Meeqqat tamarmik angerlarsimaffeqartussaataapput**

Katersuiniarnermi qulequtarineqarpoq "Meeqqat tamarmik angerlarsimaffeqartussaataapput". Pitsaasumik angerlarsimaffeqarnissap meeqqanut pingaarutaa, aamma inerikkiartornerannut peroriartornerannullu tamatuma kinguneri katersuiniarnikkut sammineqarnissaat Meeqqat Ikiortigit kissaatigaat.

Nuna tamakkerlugu katersuiniarnermi takutinneqassaaq angerlarsimaffik pitsaasoq assigiinngitsorpassuarnik iluseqarsinnaasoq – assersuutigalugu ulloq unnuarlu angerlarsimaffimmi angerlarsimaffeqarneq, angajoqqaarsiani imaluunniit ilaquuttani meeqqap angajoqqaaviginngisaraluini najugaqarneq. Angerlarsimaffik tassaasussaavoq meeqqap ineriartornerani pitsaasumik atugassaqartinnissaanut qulakkeerinniffiusussaq.

Uagutsinnut Meeqqat Ikiortigimi suleqataasunut pingaaruteqarpoq, nuna tamakkerlugu katersuiniarnermi tunissutigineqartut Kalaallit Nunaanni meeqqat aarlerinartorsiortut sullinneqarnerannut atorneqarnissaat. Taamaattumik attuumassutillit tamarmik piunassutsiminnik suleqataasupput, sunngiffitsik atorlugu tapersersuisuvut peqatigalugit aliikkusersuinissap pissanganartumik nuannersumillu ingerlanneqarnissaanik pilersitsiniartut.

Nuna tamakkerlugu katersuiniarnermi tunissutigineqartut atorlugit naatsorsuutigaarput suliniummik aallarnisaasinnaassalluta, ilaqutariit angerlarsimaffiup avataanut inissinneqarsimasunik meerartallit ataatsimoorlutik nuannersumik misigisaqatigiinnissaannik imaqartumik. Suliniut aamma meeqqat angajoqqaallu akunnerminni pitsaasumik attaveqatigiinnissaannut atorneqarsinnaasunik ineriartortitsiffiusaaq. Ilaqutariit tapersersorneqassapput, angajoqqaanut meeqqanullu iluatsittumik peqatigiissinnaanermik misigiffiusussamik.

### **Meeqqat Ikiortigit pillugu**

Meeqqat Ikiortigit – Red Barnet Kalaallit Nunaat suliniaqatigiiffittut namminersortutut aamma Save the Children Internationalip ilaatut 2013-imi pilersinneqarpoq. Red Barnetip Kalaallit Nunaanni sulinera 2013-i tikillugu Red Barnet Danmarkimit aallaaveqarsimavoq. Suliniaqatigiiffiup Save the Childrenip ilaaniittutut Meeqqat Ikiortigit sulinera Naalagaaffiit Peqatigiit meeqqat pillugit isumaqatigiissutaanit aallaaveqarpoq.

Meeqqat nipaap tunngaviusumik naleqartitatsinnut atatitsisuupput.

Meeqqat Ikiortigit sulissutigaa Kalaallit Nunaanni meeqqat tamarluinnarmik peqataatinneqarnissamik, aniguinissamik, ineriartornissamik aamma illersorneqarnissamik pisinnaatitaaffeqarnerisa eqqortinneqarnissaat.

Meeqqat aarlerinartorsiortut toqqissisimanissaat aamma pisariaqartitaasa nakkutiginnissaat siunertaarput. Meeqqat inuuneranni ataavartumik pitsanngorsaanaq angorusupparput – ilaatigut Kalaallit Nunaat tamakkerlugu sumiiffinni immikkoortortaqaqarfinnik pilersitsinikkut.

Nuna tamakkerlugu katersuiniarnissaq, suliniaqatigiiffik aamma suliavut pillugit annertunerusumik paasisaqarfigiuk [www.redbarnet.gl](http://www.redbarnet.gl), imaluunniit Facebookimi malinnaaffigitigut, ugguuna: <https://www.facebook.com/Meeqqatikiortigit>